

# КАНОН КО СВЯТОМУ ДУХУ

*Понедельник по Пятидесятнице  
Творение Феофаново*

## *Тропарь, гл. 4-й*

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную. Человеколюбче, слава Тебе.

## Канон

### Глас 1-й

#### *Песнь 1*

*Ирмос:* Горькия работы избавлься Израиль, непроходимое пройде яко сушу, врага зря потопляема, песнь яко благодетелю поет Богу, чудодейшему мышцею высокою, яко прославися.

Припев: Слава Тебе, Боже наш, слава Тебе.

Божественный Душе Святой, Иже всем разделяяй дарования, и вся творяй волею, вдохни ми светоносное Твое дарование, яко да славолю Тя, Отцу и Сыну совокупляема.

Слава Тебе, Боже наш, слава Тебе.

Иже небесным силам святостнаго дохновения Твоего благодать дай, Утешителю, моего смысла яко Благскверну исчисти, святости Твоея покажи исполнена.

Слава Отцу и Сыну и Святому Духу.

Источниче жизни веруемый, и струя естественная благодати, Душе Божий Святой, ум мой умерщвленный оживотворив, Твоим действием возстави пети Твое Божество.

И ныне и присно и во веки веков. Аминь.

*Богородичен:* Храм, Дево, бывши Божий, нашествием

Духа, содетельною силою Его, силу дарующа  
рождественну, Благодатная, еюже родила еси плотию  
Слово безначальное.

### *Песнь 3*

*Ирмос:* Пржеде век от Отца рожденному нетленно Сыну, и в  
последняя от Девы воплощенному безсеменно, Христу Богу  
возопийм: вознесый рог наш, свят еси, Господи.

Слава Тебе, Боже наш, слава Тебе.

Имея по естеству, хотения силу стечну, небесныя  
премирныя, яко Бог содетельствуя, Дух Святыи  
непрестанно учит вопити: свят еси, Господи.

Слава Тебе, Боже наш, слава Тебе.

Песнями немолчными, облиставшую благодать Духа  
богоглаголивых апостол, в дыхании бурне, согласно  
славим, со безплотными вопиюще лики: свят еси, Господи.

Слава Отцу и Сыну и Святому Духу.

Едину власть, и Божество едино, и силу, едино начало и  
царство Святыя Троицы, мудрствующе поем, в трисвятом  
гласе вопиюще: свят еси, Господи.

И ныне и присно и во веки веков. Аминь.

*Богородичен:* Колеснице светоносная, и светлое  
пребывалище, Всечистая, херувим вышши сущи, Бога бо  
на руку носившая. Темже Ти вси вопием, Чистая:  
радуйся, Всеблаженная.

### *Седален, гл. 8-й*

Всесвятыи Дух ныне сошед на апостолы, видом  
огненным, ужасом исполни языков собрания: языки бо  
глаголющих огненными, Человеколюбче, свою кийждо  
беседу слышаше. Темже и чудо неверным, яко пьянство,  
верным же спасительное воистину познавашеся. Сего ради  
славим державу Твою, Христе Боже, прегрешений  
оставления просяще низпослати богато рабом Твоим.

### *Песнь 4*

*Ирмос:* Жезл из корене Иессеова, и цвет от него, Христе, от  
Девы прозябл еси; из горы, Хвальный, приосененныя чащи

пришел еси, воплощся от Неискусомужныя, невещественный и Боже. Слава силе Твоей, Господи.

Слава Тебе, Боже наш, слава Тебе.

Великая даруяй нам Дух Всесвятый, на апостолы найде яко божествен, яко благ, яко исполняя всяческая, яко боготворя, яко освящая, яко всех творителен, Владыческий, и самовластен.

Слава Тебе, Боже наш, слава Тебе.

На престоле, Христе, Отческом сед, низпослал еси учеником Твоим Утешителя, якоже обещался еси, Спасе, яко Бога грядуща: посылая же несопротивна, яко всех Содетеля, из Отца исходяща.

Слава Отцу и Сыну и Святому Духу.

Глаголати языки пророк будущая научи Дух древле Всесвятый; языки же премудрых апостол вещает величия Божия во гласе дыхания бурнейша, ныне существенно спребываяй.

И ныне и присно и во веки веков. Аминь.

*Богородичен:* Врата умнаго Света, именуем Тебе, Богомати, имиже вниде к нам Христос, красен явися блистаньи Божества, в плотстем одеянии покровен, невидимь яко Бог. Ныне же по нам видимь.

### *Песнь 5*

*Ирмос:* Бог сый мира, Отец щедрот, великаго Совета Твоего Ангела, мир подавающа послал еси нам; тем богоразумия к свету наставльшися, от нощи утренююще, славословим Тя, Человеколюбче.

Слава Тебе, Боже наш, слава Тебе.

О Душе премудрости и страха Божия, истины, совета и разума, мир подаваяй, вселися в ны, яко да освятившися Твоим вселением, из нощи утренююще, славословим Тя, Человеколюбче.

Слава Тебе, Боже наш, слава Тебе.

Иже вся содержиай, и всех сый Господь, Иже тварь соблюдаяй непдаему, подаждь святбу нам и просвещение, яко да насытившися Твоего светодательства,

из но́щи у́треннююще, славосл́овим Тя, Человеколю́бче.

Сла́ва Отцу и Сыну и Святому Духу.

Иже дрéвле зако́н начерта́вый Моисе́ю, но́ваго заветá велéния, и зако́н благодáти излагáет я́сно, во апóстольских сердца́х написáв, Божéственный Утéшителъ нашéd, я́ко Человеколю́бец.

И ныне и присно и во вéки векóв. Аминь.

*Богородичен:* Кля́тву Ёвину, всех ма́тере, Твои́м рождество́м, Де́во, упраздн́ила еси́, ми́ру благослове́ние возсия́вши Христа́. Те́мже ра́дующеся, усты́ и ра́зумом Богоро́дицу вои́стину Тя испове́дающе блажи́м.

### *Песнь 6*

*Ирмос:* Из утробы Ио́ну младе́нца изблева́ морской зверь, якова́ прия́т; в Де́ву же всельшееся Сло́во, и плоть приéмшее, про́йде сохра́нное нетле́нну: Егóже бо не постра́да ислéния, Ро́ждшую сохрани́ невреждéнну.

Сла́ва Тебе́, Бо́же наш, сла́ва Тебе́.

Твои́м ученико́м исполня́я обеща́ние, Ду́ха, Христé, сим послáл еси́, дéйство вели́ких чудéс да́рующа и язы́ки огнезра́чныя да́рствующа, да Твоегó познáния язы́к стада́ испóлняют.

Сла́ва Тебе́, Бо́же наш, сла́ва Тебе́.

Прииди́ к нам, Ду́ше Святы́й, причáстники Твоея́ содева́я свя́тости, и свéта невечéрняго, и божéственныя жи́зни, и благоухáннейшаго разда́ния. Ты бо река́ Божества́, из Отца́ Сы́ном происходя́щий.

Сла́ва Отцу и Сыну и Свято́му Духу.

Спаси́, Утéшителю, вéрно пою́щих боголе́пное пришéствие Твое́, и очисти́ от вся́кия сквэ́рны, я́ко благоутрóбен, и покажи́ досто́йны Твоегó осия́ния, и свéтом Твои́м боговídнейшим сотвори́ я́ несквэ́рненна зерца́ла.

И ныне и присно и во веки веков. Аминь.

*Богородичен:* Весь лик проро́ческий, от Бо́га тайнонау́чимъ, предглаго́ла та́инство неизрече́ннаго и божéственнаго вопло́щения Бо́га Сло́ва из Тебе́, Де́во

Мати. Ты бо истиннейший и древний Совет явила еси.

### *Кондак, гл. 8-й*

Егда снизшед языки слия, разделяше языки Вышний; егда же огненные языки раздаяше, в соединение вся призва, и согласно славим Всесвятаго Духа.

### *Икос*

Скорое и известное даждь утешение рабом Твоим, Иисусе, вегда унывати духом нашим, не разлучайся от душ наших в скорбех, не удаляйся от мыслей наших во обстояниях, но присно нас предвари. Приблизися нам, приблизися, вездѣ Сый, якоже со апостоли Твоими всегда еси, сице и Тебѣ желающим соедини Себѣ, Щедре: да совокуплени Тебѣ поем и славословим Всесвятаго Духа Твоего.

### *Песнь 7*

*Ирмос:* Отроцы благочестию совоспитани, злочестиваго веления небрегше, огненного прещения не убояшася, но посреде пламене стояще пояху: отцев Божѣ, благословен еси.

Слава Тебѣ, Божѣ наш, слава Тебѣ.

Ныне обетования предложение Христова исполняется: разделения бо языков, Духа пришествие показа учеником, облиставшее от Троицы Единого Пребожественнаго.

Слава Тебѣ, Божѣ наш, слава Тебѣ.

Древле убо разделися согласно языков безсловесное; ныне же ко единому сличеству яве собращася, самодѣйствующу честному и Божественному Духу, от Троицы Пребожественнаго Единому.

Слава Отцу и Сыну и Святому Духу.

Свыше носиму дохновению Святаго Духа, величия Божия преславно вещаху апостоли Христовы, согласно поюще: отцев Божѣ, благословен еси.

И ныне и присно и во веки веков. Аминь.

*Богородичен:* Образ Твоего рождества триѣ отроцы в пещи показаша: яко бо пребыша огнем невредими, сохранилася еси чиста, приемши во чреве огонь

нестерпимый, отцев Бóга благословеннаго.

### *Песнь 8*

*Ирмос:* Чúда преестественнаго росодательная изобрази пещь образ; не бо яже прият палит юныя, яко ниже огонь Божества Девы, в Нюже вниде утробу. Тем воспевающе воспойм: да благословит тварь вся Господа, и превозносит во вся веки.

Слава Тебе, Боже наш, слава Тебе.

Святый Душе, исходяй от Бóга, святость всем подаждь в Тя верующим: свят бо, и подателен человеком святости, Ты еси. Тем воспевающе воспойм: да благословит тварь всякая Господа, и превозносит во вся веки.

Слава Тебе, Боже наш, слава Тебе.

Даеши подательне, яко Благодетель, дар благи, Тебе поющим, Утешителю: благих бо подателен еси, и благи пучина. Тем воспевающе воспойм: да благословит тварь всякая Господа, и превозносит во вся веки.

Слава Отцу и Сыну и Святому Духу.

Господь животворящ есть Дух, самодвижимь, самовластен, разделяя якоже хощет даров раздаяния, самовладычен, самоповелителен, безначален. Тем воспевающе воспойм: да благословит тварь всякая Господа, и превозносит во вся веки.

И ныне и присно и во веки веков. Аминь.

*Богородичен:* Кто Твоему премножеству благоутробия не дивится, безначальне Слове? Нас бо ради обнищал еси, богат Сый, и во чреве Девы святыйя вселился еси. Тем воспевающе воспойм: да благословит тварь всякая Господа, и превозносит во вся веки.

### *Песнь 9*

*Ирмос:* Радуйся, девственная похвалé, радуйся, Мати пречистая, Юже вся тварь божественными песнями величает.

Слава Тебе, Боже наш, слава Тебе.

Се к нам Утешителя иного низпослал еси, единосущна Тебе, Слове, и Отцу Твоему сопредельна.

Сла́ва Тебе́, Бо́же наш, сла́ва Тебе́.

Спаси́ от искуше́ния, Уте́шителю, Бо́га му́дрствующия  
Тя, и славосло́влящия Твое́ преве́чное быти́е.

Слава Отцу и Сыну и Святому Духу.

Прииди́ к нам, Уте́шителю, Твоего́ утеше́ния исполня́й,  
сла́вою Твое́ю неизрече́нною богосло́влящия.

И ныне и присно и во ве́ки веков. Аминь.

*Богородичен:* Неве́сто Бо́жия всенепоро́чная,  
славосло́влящия Тя и чту́щия досто́йно, изба́ви от  
искуше́ний моли́твами Твои́ми.